

CONVENIO DE COLABORACIÓN ENTRE A INSTITUCIÓN DA VALEDORA DO POBO, A UNIVERSIDADE DE SANTIAGO DE COMPOSTELA, A UNIVERSIDADE DA CORUÑA E A UNIVERSIDADE DE VIGO PARA A CONTINUIDADE NA ORGANIZACIÓN E CONCESIÓN DOS PREMIOS AOS MELLORES TRABALLOS DE FIN DE GRAO (TFG) E TRABALLOS FIN DE MÁSTER (TFM) EN MATERIA DE IGUALDADE E DEREITOS DAS MULLERES

COMPARECEN

Dunha banda, D^a María Dolores Fernández Galiño, Valedora do Pobo de Galicia, nomeada por Resolución do Parlamento de Galicia do 31 de xullo de 2019 (DOG n^o 145, do 1 de agosto), actuando en nome e representación do Valedor do Pobo, en virtude das facultades que lle confire o artigo 7a) do seu Regulamento de Organización e Funcionamento.

Doutra, D. Antonio López Díaz, Reitor da Universidade de Santiago de Compostela segundo nomeamento efectuado polo Decreto 35/2022, do 17 de marzo (DOG do 22 de marzo), actuando en nome e representación da mesma en virtude dos poderes outorgados polo artigo 50 da Lei Orgánica 2/2023, do 22 de marzo, do Sistema Universitario, e do artigo 82 do Decreto 14/2014, do 30 de xaneiro, polo que se aproban os Estatutos da Universidade de Santiago de Compostela.

Doutra, Ricardo José Cao Abad, Reitor da Universidade da Coruña segundo nomeamento efectuado polo Decreto 1/2024, do 11 de xaneiro (DOG n^o 10, do 5 de xaneiro), actuando en nome e representación da mesma en virtude dos poderes outorgados polo artigo 50 da Lei Orgánica 2/2023, do 22 de marzo, do Sistema Universitario, e do artigo 34 do Decreto 01/2004 do 13 de maio, modificado polo Decreto 194/2007, do 11 de outubro, polo que se aproban os Estatutos da Universidade da Coruña.

Doutra, D. Manuel Joaquín Reigosa Roger, Reitor da Universidade de Vigo segundo nomeamento efectuado polo Decreto 110/2022, do 9 de xuño, polo que se nomea reitor magnífico da Universidade de Vigo o profesor doutor

Manuel Joaquín Reigosa Roger. (DOG nº 117 do 20 de xuño), actuando en nome e representación da mesma en virtude dos poderes outorgados polo artigo 50 da Lei Orgánica 2/2023, do 22 de marzo, do Sistema Universitario, e do artigo 29 do Decreto 13/2019 do 24 de xaneiro, polo que se aproban os Estatutos da Universidade de Vigo.

EXPOÑEN

PRIMEIRO.- Que a Institución da Valedora do Pobo, como entidade defensora dos dereitos da cidadanía recoñecidos na Constitución Española, para o efectivo desenvolvemento dos dereitos fundamentais e liberdades públicas da cidadanía, considera necesario o desenvolvemento de iniciativas e actuacións que teñan como obxectivo o avance da sociedade en materia de igualdade de sexos.

Para a consecución do dito obxectivo, a Institución debe apoiar e participar na posta en marcha de actuacións en materia de igualdade de mulleres e homes, contribuíndo desta forma á difusión e a un mellor coñecemento do dereito fundamental á igualdade, e ao seu exercicio por parte da sociedade no seu conxunto.

SEGUNDO.- Que as Universidades de Santiago de Compostela, A Coruña e Vigo son entidades de dereito público que desenvolven actividades de formación, investigación e desenvolvemento científico e tecnolóxico, e están interesadas en colaborar cos sectores socioeconómicos para asegurar un dos fins da formación e a investigación, que é a innovación e a modernización do sistema produtivo, así como en iniciativas que incidan no respecto aos dereitos fundamentais e de igualdade entre homes e mulleres.

TERCEIRO.- Que, segundo establecen os seus Estatutos, para o mellor desenvolvemento das súas funcións, propiciarán o establecemento de relacións con outras Universidades, organizacións e institucións, moi en particular coas de carácter académico, científico e cultural.

CUARTO.- Que tanto as universidades parte neste convenio como a Institución da Valedora do Pobo están de acordo en seguir promovendo os premios aos mellores Traballos de Fin de Grao (TFG) e Traballos de Fin de



UNIVERSIDADE DA CORUÑA **Universidade de Vigo**

Máster (TFM) en materia de igualdade e dereitos das mulleres, que se veñan promovendo conxuntamente por todas as partes dende a sinatura do anterior convenio de 2019. Para esa continuidade asinan este convenio que se rexerá polas seguintes

CLÁUSULAS

PRIMEIRA.- CONTINUIDADE NA ORGANIZACIÓN E CONCESIÓN DOS PREMIOS VALEDORA DO POBO EN MATERIA DE IGUALDADE

Co fin de estimular a realización de Traballos de Fin de Grao (TFG) e Traballos de Fin de Máster (TFM) en materias relacionadas coa igualdade efectiva de mulleres e homes, as entidades asinantes continuarán organizando e concedendo as sucesivas edicións dos Premios anuais "Valedora do Pobo" aos mellores Traballos de Fin de Grao (TFG) e Traballos de Fin de Máster (TFM).

Os premios distinguen aqueles traballos que sexan merecedores dun especial recoñecemento pola súa claridade, orixinalidade, definición do seu obxecto, pertinencia e relevancia, metodoloxía da investigación utilizada, análise de resultados, aspectos formais do traballo e proxección que poida acadar no ámbito da igualdade de dereitos de mulleres e homes, entre outros.

SEGUNDA.- CONVOCATORIA E COMPOSICIÓN DO XURADO

A convocatoria anual dos premios realizarase pola Institución da Valedora do Pobo coa colaboración das Universidades asinantes.

Na convocatoria, que se realizará en cada curso académico, establecerase o número de premios e as contías que corresponderán aos mellores Traballos de Fin de Grao (TFG) e Traballos de Fin de Máster (TFM). Tamén poderán fecerse mencións especiais a outros traballos cuxa calidade así o aconselle.

Os traballos premiados ou con mención especial serán seleccionados, de entre os presentados en cada curso académico e que estean relacionados directamente coa igualdade efectiva de mulleres e honres en calquera dos ámbitos do coñecemento.

Na convocatoria establecerase a composición do xurado, no que figurarán as persoas titulares das institucións asinantes e persoas que destaquen pola súa traxectoria profesional e persoal en materia de igualdade, nomeadas a proposta destas.

TERCEIRA.- PROCEDIMENTO DE CONCESIÓN E FINANCIAMENTO DOS PREMIOS

O procedemento de concesión dos premios tramitarase en réxime de concorrencia competitiva entre o estudiantado das tres universidades asinantes deste Convenio mediante convocatoria da Institución da Valedora do Pobo coa colaboración das Universidades asinantes, que se publicará no DOG (Diario Oficial de Galicia) e nas respectivas canles de comunicación das mencionadas Institucións.

En cada convocatoria premiarase aos mellores Traballos de Fin de Grao (TFG) e aos mellores Traballos de Fin de Máster (TFM) presentados no número que se determine na mesma. A convocatoria determinará a financiación dos premios contemplados con cargo aos créditos que para a dita finalidade se determinen nos orzamentos da Institución da Valedora do Pobo para cada anualidade.

CUARTA.- COMISIÓN MIXTA

Para o seguimento e control dos acordos adoptados neste convenio, así como a programación e convocatoria das actividades, constituirase unha comisión mixta formada por:

- Pola Institución da Valedora do Pobo, a persoa titular da Institución ou a persoa en quen delegue.
- Por cada unha das universidades asinantes, a Reitora ou Reitor, ou a persoa en quen delegue.

SÉTIMA.- VIXENCIA

O presente convenio estenderá a súa vixencia dende a data da sinatura por todas as partes ata o transcurso de 4 anos, sen prexuízo das posibles

prórrogas, que non poderán superar 4 anos adicionais, podendo prorrogarse por mutuo acordo antes da súa finalización, ou de cada unha das prórrogas, salvo denuncia de calquera das partes antes do seu termo.

Poderase resolver este convenio por algunha das seguintes causas:

-Dificultades insuperables debidamente xustificadas que impidan levar a bo termo as actividades estipuladas.

-Por incumprimento dos compromisos acordados, non emendado no prazo de 30 días hábiles dende o requirimento escrito da outra parte.

A resolución anticipada do convenio non afectará as actividades iniciadas e pendentes de finalización, de acordo co contido deste convenio e dos acordos específicos que se subscriban no seu desenvolvemento.

OITAVA.- XURISDICCIÓN

As dúas partes comprométense a resolver de común acordo, todas as cuestións de interpretación e seguimento, así como a resolución de cantos conflitos puideran xurdir no seu desenvolvemento. En defecto de acordo, as controversias que poidan xurdir entre as partes serán de coñecemento e competencia da orde xurisdiccional do contencioso-administrativo.

NOVENA.- PROTECCIÓN DE DATOS E CONSENTAMENTO PARA A TRANSPARENCIA ACTIVA DOS DATOS PERSONAIS CONTIDOS NO CONVENIO

As partes comprométense a cumprir o establecido no Regulamento (UE) 2016/679 do Parlamento Europeo e do Consello, de 27 de abril de 2016, relativo á protección de datos das persoas físicas no que respecta ao tratamento de datos persoais e a libre circulación destes datos e polo que se derroga a Directiva 95/46/CE (Reglamento xeral de protección de datos), así como na lei 3/2018, de protección de datos de carácter persoal e da garantía dos dereitos dixitais, e no resto da lexislación española aplicable nesta materia.



UNIVERSIDADE DA CORUÑA **Universidade de Vigo**

O tratamento responde aos principios de licitude, lealdade, transparencia, limitación da finalidade, minimización dos datos, exactitude, limitación do prazo de conservación, integridade, confidencialidade e responsabilidade proactiva.

As persoas asinantes do convenio manifestan o seu consentimento para que os seus datos persoais que aparecen no mesmo, incluídas as rúbricas, poidan ser publicados nos respectivos Portais de Transparencia.

E, como proba de conformidade, asínase electrónicamente este convenio por cuaduplicado nas datas que constan.

Pola Valedora do Pobo

Pola Universidade de Santiago de Compostela

Pola Universidade da Coruña

Pola Universidade de Vigo